

漳州府志

卷廿七(廿二册内)

三五公司所藏

ル 5
3438
27



門 5
號 3438
卷 27

漳州府志卷之四十一

藝文一 乾隆志卷二十五

總目有新增 詩增二首

漢書十志終於藝文覽七畧而天文地理民風物產吏治官方禮樂兵刑粲然俱備事必師古人求多聞其意深矣顧所紀者著書之目而全文不載不勝載也後之脩志者書目後附以文字連篇累牘失其舊矣錄其有關於郡邑者誦志數典之君子將有取焉作藝文志著書總目

唐

藝文一

二百十三

早稻田大學圖書館
藏 32.4.16
書

陳元光玉鈐記

潘存實良山存橐

宋

蔡元鼎中庸大學解 語孟講義 九經解 洪範會元

雜著 詩文集

黃彥臣文集

石蕢文圃詩文集

蔡瑗鵝城集 古今名賢警句

黃預書解

吳桓文橐 古律詩百篇

吳與新紀錄 荔枝總錄 漳經圖 文集

陳兢周禮解 雜文

黃碩周禮講義

黃穎周禮解義 左氏事類

高登東溪集 家論等篇

陳景肅石屏擷翠集

吳大成經疑傳橐 語錄 梅月百咏

陳思謙春秋三傳會同 列國類篇

黃樵中庸語孟解 詩解

吳澥省齋集

蔡如松漳南十辨

余韶棲靜堂集

鄭公顯文集 語錄 時論

鄭公敏文集五卷

蔡藻續九經解

王遇論孟講義 兩漢博議

陳淳北溪集 大學中庸論孟口義 四書字義 似道

似學辨 禮書 女學

陳經德齋文集

孫昭先奏議 詩文集

余嘉周禮解 禹貢考 春秋地例 增釋紀年錄 代

庖集 骨鯁集 雜編五音姓譜 章

黃樵仲詩解 中庸語孟解 小學口義

蕭理經解

宋聞禮易禮記詩解

黃學昇評古一卷 補註東坡詩一篇

黃子信散翁集

蔡逢甲使君講錄

沈子真四書講義 表忠錄 藏脩錄

元

林廣發三徑集

周佑邊鑑近錄

明

陳汶輝南阜集

胡宗華草澗集 平菴集

劉宗道愛禮集十卷

林弼梅雪齋文集 使安南集 詩經解義 宋儒會解

林虞臣詩經宗朱發微 書經蔡傳補翼

鄭深道存養輯畧 棲遲集 經筵講章

林公玉愚齋隨筆十卷

謝璉奏箋百卷 玉堂藏集

林顯恕堂集六卷

王源韋庵集 書傳補遺 家禮易覽 異端辨

林僑清約軒集六卷

陳壘梅庵存稿 經籍要覽

林巖澹齋集十卷 讀易尊聞集二卷

周宣易齋稿

林敦雅言集 聖學摘傳

林同樞要指南錄

謝彬愛吾堂摘稿 宦游稿 歸田稿

吳原南行稿 浙巡錄奏議

戴時宗朽庵存稿

蔡文一得語 聞見錄 職方抄

朱瑄嶼嶼詩集

朱天球湛園存稿

盧維正醒後集

林楚衍書旨 摘性對 輯思經 原儒釋 解老

四書剩語 道德陰符解 家規內外集

沈同尚南峯拙稿

林魁白石稿 歸田錄

戴廷槐就正文畧 製錦堂集 樵談集 易學舉隅

林纘振海雲館集

林敬詩經講義 治河指掌

陳魁士天文節要 地理全集

顏階文集

江環詩經衍義

周瑛廣德志 蜀志 漳志 莆陽劫史 經世管鑰

律呂管鑰 字書纂要 金陵金臺編

唐泰思誠齋銘

陳貞晟程朱正學纂要 布衣存稿

陳昂法苑遺編

胡宜術蕙菴集

蘓鏞浴心遺稿

林祺續朱子伊洛淵源 考亭麗澤錄 考亭源流錄

陳布衣文抄 高氏遺澤編 古今指掌錄 漳文備

忘 漳獻備忘 文抄

蔡烈孝經定本 大學格物致知傳 道南錄 朱子晚

年定論 大儒粹言 讀書錄 諸儒正論

林一陽論學口義 詩文

潘鳴時讀易偶見 頑菴錄 人和樓錄

施仁復古議 脩証要語 詩文集

李文察四書圖解 樂記補說 律呂註 典樂論

盧岐嶷金膏玉液鈎元類纂諸書

黃文豪滄泉稿

胡學蹇庵集

蔣輔泉巖文集

黃芹易圖識漏 易經口訣 史圖纂要 家禮易行

陳旻文集

林經書易講義 省身錄

鄭榮射禮輯說 道原錄 抄義集 抄學則

陳富澄心平氣二箴

王會北雍春陵歸田集 建文野史 漫齋筆談

鄭正學家禮辨

吳霞射禮集說

紀孚兆心極圖說

高則賢易解

劉庭蕙一畝宮存稿 拾葉豪 抄義集

蔡宗禹史記一家言 叢桂軒語錄

林偕春雲山文集

唐堯欽崖畧篇

陳九敘心源錄

張廷榜布鼓初聲 盥耳吟 夢醒話

黃日謹金鑑錄

鄭懷魁葵圃集 渡江小草 農臣暇筆 蓮城紀錄

唐文燦享帚集三十卷 四六集

王志遠吸鏤稿 書經解 中庸說約 王氏四書

意雅涉筆 寶廉堂疏

黃一龍延露編

王志道如江集 易解 千續韋編 詩經疏 松關書

義

沈源疏豪 吟豪

林秉漢若決草 尚友堂文集

高克正玉堂初稟 木天署草

張紹科子史奧乘 覓蠹軒集

張一棟疏啓詩文

周起元奏疏 居稽齋集

張于壘麟角篇 舒節篇

黃道周易象正 易本象 三易軒圖 三易箕圖 六

十四卦要說 革象新書 筮命 大成 洪範明義 典謨集傳 禹貢明義 政官集傳 呂刑明義 疇

象 詩序正 詩揆 詩表 春秋表正 春秋揆

春秋軌 三禮 儒行集傳 緇衣集傳 坊記集傳

表記集傳 月令明義 孝經大傳 孝經贊 孝

經外傳 孝經定本 孝經別本 神宗實錄 興元

紀畧 續騷 駢枝別集 浩然堂文集 榕壇問業

大滌山問業 明誠堂問業 北山藏草 今書多不存

吳顯郵亭草

何楷四書字攷 攷定古文 攷定孝經 古周易訂詁

詩經世本古義 春秋釋

邱懋煒兵垣奏疏

沈鐵澎湖議 浮湘鍾離蘭省石鼓諸集 大學古本

陳翼飛長梧集

楊聯芳諸經纂註

侯任讀左偶見 霞山雜錄

方進風山集

魏呈潤館課疏草 南陔草 負山編

盧振明梧園集 日菴游草

洪京榜邱園集

顏茂猷經史類纂

李瑞和莫猶居集

張燮東西洋考 手定七十二家文選

張國經南都草 嶺表吟

李元徵羣言液

張若化石菴存草

張若仲梅花草堂稿

李世奇澹寧居詩草

陳天定陳氏說書 太極說叅論 慧山詩文集 松石

軒讀史 慧眼山房書抄十七種

張士楷濮鉛山人集 談學錄 藝苑提宗 靜學編

儒林列傳

陳祖虞葛亭集

國朝

陳常夏江園文集

高維檜廣惠草堂集 經史書文四部序

蔡而烜說邦褒異揀金

林賓蛻馬元聲

林廷擢周易探蹟 尚書啓筵 周禮永學 春秋壽世

學庸圖說

葉先登木天草 島上詩 紀遊詩集 傲帚集

林翰文焦桐集

唐朝彝易學說編 西臺疏草 滙青堂詩集

李基益雪爪集 樂府惜古 約聖文集 丹霞風雅

鄭亦鄒詩文集

蔡祚週文廟祀典圖式

詹明章四書提要 易經提要 大易通義 洛範啓要

河洛通解 先後天卦說 班馬合訂 莊子同壇

戴冠拾得草

劉勃脩廬類纂 寄園詩文集

袁田初遊草

袁庭拱戟集

蔡世遠二希堂文集 朱子家禮輯要 鰲峯學約 古

文雅正 二希堂詩集 二希堂奏稿

謝亦驥浩園詩草 丹陽集

康偉然四書說義 孝經衍義輯要

唐麟石川詩草

李松齡日強堂集

洪理順易說 東山行業

侯世淮椒園集 陳箴晚簾集 卷廬集 藕絲集 第五集

蘓天章竹涯詩集

黃政樾藍庄詩集

林錫齡矩園集 易經審鵠 四書審鵠 詩經審鵠

左傳紀事本末

王之麟羽聲集

王道鹿臯詩集

鄭子江沙村存稿

陳珩松巢集

鄭芳四書集註衷義

姚作楫漳儒文薈

王天成四書大全 忠孝二經 小學詳注會參

楊魁植九經圖

戴侯焯史貫

莊亨陽秋水堂文集 河防 算法 詩集

藍鼎元鹿洲文集 棉陽學準 脩史試筆 平臺紀畧

東征集 女學

陳夢林臺灣志 漳浦續志 他齋詩文集

吳道嵩信天叢鈔 南枝集

侯允楫竹窓小草

汪洋水遠居詩集

陳洮文碧梧詩文集

丁中駒春秋胡傳存義

蔡雲從印湖詩文集 歷代論

李如梓深柳堂詩集

蔡登淵言行錄

戴瑛仰觀集

印遷梁潯詩集

黃可潤無極縣志 宣化府志 口北三廳志 畿輔見

聞錄 詩文集

黃寬詩文集

蘓潮燕遊草

李國祚尋秋集

沈利涉讀史補畧

林長汪四書摘錄

劉鳳山晴村詩文集

昌錫晉榜村集 北征集

王有嘉鑾山遺草

楊文源根黃集

唐○周匡物詩集以下 依重脩纂通志新增

五代○洪文用文圃詩文集

宋

楊汝南詩要旨 春秋要旨 中庸要旨 經說三卷

楊彥侯集十卷

蘇疎詩傳 三禮折衷

林能千本草單右十五卷

顏頤仲訓子篇 諭族集

王貴學王氏蘭譜

鄭柔康正題詠

薛倬九侯詩集

蔡真子百六草

明

潘榮歷朝統論一卷

曾逸曾工部文集

鄭表鄭文山集

呂夏濱溪集 王堂摘稿

金鉉三洲集

張惟方尙書宗旨

徐鑾轅雅集

顏繼祖三垣奏議 紅堂詩七卷

趙懷玉證孝說元 折獄衷詞

吳公布江橋居詩集

洪思洪圖六經 洪圖六史 黃石齋年譜 石秋子敬

身錄二卷 石秋子詩集

黃以陞古史六十卷 遊名山記六卷 麗典新聲

史記萱蘇 七州詩集 蟬巢集二十卷

呂景明詩文十卷

楊喬岳太室集 以上龍溪人

沈暹家規日省格言

趙超拙軒稿

吳夢騏杜菴宏治集七卷 端一齋總錄 五行前用稿

許判古深衣訂 禮圖 慎終集 歐蘇譜例一卷 一

章州府志 卷之四十一 藝文一 二百三十四

松稿

葉慶龜峯文集

張拱介菴吟稿

林梅愚谷稿

蔡大壯毛詩釋義

葉瑜讀禮考畧 律呂或問 江州集 水東草堂集

楊一葵芙蓉館集

蔡一橙詩經會解 四書提告 陳布衣心圖註

王仍縉吾廬詩草

蔡保禎孝紀十六卷 蔡端卿集

丁玉鳴一作玉明無知解

林翰冲言志集以上漳浦人

陳儀承恩堂文集

鄭英道慥慥錄 讀書本義

陳國璣易啟微 史宗

陳彝器誥菴詩稿

何模何氏禹貢

涂伯案留史 授命錄 涂虞卿詩文集以上海澄人

黃文史南雍文集

蔡銘寓安集

楊叶瑤秋雨堂集

戴作材尚書詳參

得得齋詩稿以上長泰人

張周民詩集

朱龍翔南陔湯誓補 悔少詩集

張維藩張虛舟詩文集

林宗仁林氏說書以上平和人

陳鳴球陣圖解 道心圖 體認要解 欽齋集

吳樸樂器圖 龍飛紀畧 渡海方程 醫齒問難

林日瑞漁書十三卷

林邁佳環中一貫圖說

黃景瞻醒菴集以上詔安人

國朝

嚴仙黎碧梧菴詩集

趙與梗珠谷剩草

王緝易經引

戴盼涵亭詩草

蔡日光周易傳義

鄭之良斲輪軒集

葉茂遠維心堂文集

胡必奇西野文集 詩草

黃補心圖 太極圖原 西路口義

蘇眉隆子山集

呂雲棟松甫詩文集

趙霖東園外編

黃日紀荔崖詩鈔

林夢斗雪巖詩鈔

廖鵬飛石村集

莊元春齋詩文集

李贊元出門吟

悔齋詩集

遯園草

怡老編以上龍溪人

趙潛冷鷗堂集

蔡而浣西湖藏稿

陳祇受挹翠亭詩草

陳垂柱頰詩草

侯烜趨庭集

劉夔龍一畝宮詩

蔡驥良日閑齋稿

水餘集

蔡衍錕詩經尊卜

孝經擬問

西銘續解

操齋詩文

集

黃元美越甫詩集

林瑩光經學通考

四書提要

蔡新緝齋詩文集十八卷

垂訓邇言

林運均可亭詩稿

陸鍾宏四書說

陸祈宇詩文集

藍應元古蘿詩文集

宋膺簡南華經註解

吳荆山體齋詩文集

蔡觀瀾自怡集四卷

蔡德輝鳴秋草

蔡本俊古研齋詩集

以上漳浦人

陳炯宏下里危言

陳聖道蒙底稿

懷恩堂草

陳元麟清漳風俗考

林文安石村詩稿

吳開業江村集

以上上海澄人

蔡司需來峯草堂集

漳州府志

卷之四十一

藝文一

六

一百八十九

王聖時太極圖解 楚游詩集

陳亨造雲園詩集

王麟祥易參彙言

王元通樂志堂詩草

許清奇周易明象 彙例雜論 象峯集

陳錫企三文集 以上南靖人

陳聲霞溪集

戴鍊踏波文集

蔡洛花譜祕存一卷

詹恆四香堂詩稿

曾萼易卦闡義 詠歸集

何子祥蓉林筆鈔

李離明李麗文集 以上平和人

葉觀海篆源 字學甚解 細 詩韻辨忽 發音辨要

韻學辨忽 螽蟬 增補事物異名錄 二十一代詩

選 春酒堂詩文集 羣書掇畧 評選明代古文六

卷 以上詔安人



詩

○唐

漳州新城秋宴

開漳刺史 陳元光

地險行臺壯天清景幕新
 鴻飛青嶂杳鷺點碧波真
 風肅天如水霜高月散銀
 嬋娟爭潑眼廉潔正成隣
 東湧滄溟玉西呈翠巘
 珍畫船拖素練朱榭映紅
 雲琥珀盃方酌鮫綃席未
 塵秦簫吹引鳳鄒律奏生
 春縹緲織歌遏婆娑妙舞
 神會知冥漠處百怪惱精
 魂

曉發佛潭橋

朝暎催上道兎魄欲西沉
 去雁長空沒飛花曲徑深
 車沿

橋樹往詩落海鷗吟馬鬣嘶風從龍旂閃電臨峯攢仙掌
巧露重將袍陰農喚耕春早僧迎展拜飲看看葵日麗照
破艷陽心

示子珣

恩啣楓陛渥策向桂淵鴻載筆沿儒習持弓纘祖風祛災
勦猛虎濟德翊飛龍日閱書開士星言駕勸農勤勞思命
重戲謔逐時空百粵霧紛滿諸戎澤普通願言加壯努勿
坐鬢霜蓬

和陳元光平潮寇詩

時表採訪見此詩甚重之

參軍許天正

抱磴從天上驅車反嶺東氣昂殲象虜策妙誦羣雄飛絮

隨風散餘氛嚮日鎔長戈收百甲聚騎破千重落劍惟戎
首游繩繫協從四野無堅壁群生未化融龍湖膏澤下蚤
晚遍枯窮

歸閒詩二十韻

郡別丁儒固始

漳北遙開郡泉南久罷屯歸尋初旅寓喜作舊鄉鄰好鳥
鳴簷竹村黎愛慕臣土音今聽慣民俗始知淳烽火無傳
警江山已淨塵天開一歲暖花發四時春雜卉三冬綠嘉
禾兩度新俚歌聲靡曼秣酒味溫醇錦苑來丹荔清波出
素鱗芭蕉金剖潤龍眼玉生津密取花閒液棋藏樹上珍
醉宜諸蔗瀝睡穩木棉溫茉莉香籬落榕陰淡里闔雪霜

偏避地風景獨推閩辭國來諸屬於茲締六親追隨情語
好問餽歲時頻相訪朝和夕渾忘越與秦功成在炎域事
定有閒身詞賦聊酬和才名任隱淪呼童多種植長是此
方人

冬日到泉郡次九龍江與諸公唱和詩

迢遞千重險崎嶇一路逼山深迷白日林盡豁蒼穹正值
嚴冬際渾如春晝中泉醴開名郡江清穩卧龍天涯寒不
至地角氣偏融橘列丹青樹槿抽錦繡叢秋餘甘菊艷歲
迫麗春紅麥隴披藍遠榕庄拔翠雄減衣遊別塢赤脚走
郵童日出喧烏鵲沙晴落雁鴻池澌含晚照嶺黛徹寒空

風景無終始乾坤有異同但思鄉國迥薄暮起心冲

見白石丁

古鏡歌

高州周匡物龍溪刺史

軒轅鑄鏡誰將去曾被良工瀉金取明月中桂不生輕
冰面上麥初吐蛟龍久無雷雨聲鸞鳳空踏莓苔舞欲向
高臺對曉開不知誰是孤光主

進士謝恩

出淳祐志

一從東越入西秦十度聞鶯不見春試向崑山投瓦礫便
於靈沼濯埃塵悲歡暗負風雲力感激潛生草木身中夜
自將形影語古來吞炭是何人

及第謠

淳祐志匡物自作詳考詞意當時讚詠之人作耳時同登者三十三人

水國寒消春日長
燕鶯催促花枝忙
風吹金榜落凡世
十三人名字香
遙望龍墀新得意
九天勅下多狂醉
驂騑一百三十蹄
踏破蓬萊五雲地
物經千載出塵埃
從此便為天下瑞

三橋隱居歌

誰家作橋溪水頭
茅堂四月如清秋
白雲已過暮山紫
黃鳥不鳴春自幽
掀髯背向孤舟立
猶記仙源舊曾入
雨打疎篷醉不知
桃花一夜新流急

玉聲如樂詩

戶部侍郎潘存實

元和十三年庚承宣侍郎下試脩禮耕籍田賦與此詩及第為漳浦開科之始詩見文苑英華百八卷十六

表質自堅貞
因人一扣鳴
靜將金並響
妙與樂同聲
杳杳疑風送
泠泠似曲成
韻含湘瑟切
音帶舜絃清
不獨藏虹氣
猶能暢物情
后夔如為聽
從此振琮琤

酬漳州張九使君

著作郎顧况

故人窮越徼
狂生起悲愁
山海萬里別
草木十年秋
鞭馬廣陵橋
出祖張漳州
促膝墜簪珥
闕幌憂琳球
短題自茲簡
華篇詎能酬
無階承明庭
高步相逍遙
南方榮桂枝
隆冬捨溫裘
猿吟郡齋中
龍靜檀欒流
薜鹿莫徭洞
網魚盧

亭洲心安處處安處處思遐陬

送陸員外赴漳州

刺史 郎士元 定州人

含香臺上栢剖竹海邊州驛使多歸信閩溪足亂流今朝
永嘉路重見謝公遊

寄漳汀封連四州刺史

漳刺史 韓泰

刺史 柳宗元 河東人

城上高樓接大荒海天愁思正茫茫驚風亂颭芙蓉水密
雨斜侵薜荔牆嶺樹重遮千里目江流曲似九迴腸共來
百粵文身地猶自音書滯一方

逢漳州崔使君北歸

張 蟻 清河人

在郡多殊稱無人不望回離城携客去度嶺擔猿來

經冬葉瓶緘落暑梅長安有歸宅歸見瑣青苔

送僧歸漳州

刺史 呂 溫 河中人

幾夏京城住今朝獨遠歸脩行四分律護淨七條衣溪寺
黃橙熟沙田紫芋肥九龍潭上路同去客應稀

送謝進士歸闈

進士 章 碣 錢塘人

百越風烟接巨鰲還鄉心壯不知勞雷霆入地建溪險星
斗逼人梨嶺高却擁木棉吟麗句便攀龍眼醉香醪名塲
聲利喧喧在莫向林泉改髣毛

送林刺史簡言之漳州

進士 陳去疾 侯官人

江樹欲含曛清歌一送君征驂辭荔浦別袂暗松雲路狹

橫河全唐詩河作柯渡山深墜葉聞明朝宿何處未忍醉中分

由沙縣抵龍溪縣絕句 學士韓偓京兆人

水自潺湲日自斜盡無雞犬有鳴鴉千村萬落如寒食不

見人烟只見花

宿營頭亭 歐陽詹

回峯疊嶂遠亭隅散點烟霞勝畫圖日暮華軒卷長箔太

清雲上對蓬壺

贈漳州張怡使君 處士陳陶番陽人

舊德徐方天下聞當年熊軾繼清芬井田異政光蠻竹符

節深恩隔瘴雲已見嘉祥生北戶嘗嫌羶豕南薰幾時

徵拜征西越學着纒胡從使君

○宋

送李宣叔倅漳州 宰相王安石臨川人

閩山到漳窮地與南粵錯山川鬱霧氛瘴癘春冬作荒茅

篁竹間蔽虧有城郭居人特鮮少市井宜蕭索野花開無

時蠻酒持可酌窮年不用客誰與分杯杓朝廷尚賢俊磊

砢充臺閣君能喜節行文藝又皆博超然萬里去識者為

不樂予聞君子居自可救民瘼苟能禦外物得地無美惡

似聞最南方北客今勿藥珍足海物味甚厚不為薄章舉

馬甲柱固已輕羊酪蕉黃荔子丹又勝粗黎酢縫衣比多

士往往在邱壑從容與笑語豈不慰寂寞太守好觴詠嘉賓應在幙想卽有新詩流傳至京洛

贈漳州守綦叔厚

泰陽人 陳與義

過盡閩荒興復新漳州畫戟擁詩人十年去國九行旅萬里逢公一欠伸王粲登樓還感慨紀瞻起召欲逡巡繩床相對有今日賸醉齋中軟脚春

龍亭山

本州人 蔡襄

要看紅日照龍臺白玉堂高錦障開樹色一番經雨活溪光幾曲抱山來雲歸深洞天形瘦風落前村笛弄哀擬結清樓遍題咏思王何吝斗量才

宿海邊寺

潮頭欲上風先至海面初明日近來怪得寺南多語笑蜚船爭送早魚回

送王季山赴龍溪

朱子

故八千石分領道此之官契濶三秋永逢迎一笑懽田園知不遠謠俗問非難已想躬元默鳴絃亦罷彈

還山招陳希韓

承務郎 高登

乾坤莽回互日月相盪摩百年纔瞬息萬類總么麼是身非我有造物如吾何觸事會心少幽棲登興多眷言意所適樂此山之阿脩篁擢新幹老木榮舊柯谷聲傳地籟松

韻答天和獨石介而安寒泉澹無波園蔬掇織嫩名菓仍
駢羅紅薦着雨花碧卷受風荷隨意坐莓苔絺衣掛薜蘿
得酒卽醕酌作詩共吟哦嘯長情浩蕩瞬短影婆娑妻孥
鹿門趣黃綺商山歌崎嶇路殊迢迢誰見過交親憶同
調出處矢靡他每憐傷弓禽因感赴燭蛾無心更懷鉞試
藝趨投戈自覺此身浮相看雙鬢皤人事何時休歸來勿
踟蹰

言懷

歸去東臯獨倚黎山林書卷有兒持一無可意身將老百
不如人心自知夢裡摩挲元結頌經從省憶少陵詩體膚

餓盡天應錯依舊矍然山澤安

九日

塞雁南飛度戍樓一聲天地有餘秋家連滄海難窮目人
在閩荒欲盡頭莫效涓埃裨國計况無毛髮爲身謀所須
菽水能多少踪跡飄然不繫舟

懷高東溪一首

南恩 詔安 知州 陳景肅 人

鑿泉莫太深太深井難汲登山莫太高太高頂難立山頂
仰可觀井淵俯可挹那知鴻鵠飛海杳無消息

碧玉千峯

本郡 方 來

初危守 檳劍龍江書院乃撤去 臨漳臺作亭扁曰 登高嗣守方來以二字犯鄉賢高東溪姓名因見

廖中丞詩銀漢一派接天來碧玉千峯照眼開句
乃以碧玉千峯為扁賦詩追懷賔翁弁勵學者

堂堂紫陽翁棠陰遍南國斯文天未喪眉壽乃公錫四書
廻狂瀾賸得居閑力定作主林神香骨化為碧

東溪有人豪調古誰能續我來薦芳馨黃花清可掬想公
憐世人翻覆變涼燠至今嫉邪書字字凜寒玉

結廬得佳景向無買山錢床頭數卷書治溥彌大千丈夫
有遠志至學無窮年騏驥待北風鷹隼翔秋天

武夷遡伊洛源自無極翁譬彼漳江流洋洋滄海通東萊
得家傳南軒從五峯勿疑轍迹殊三賢歸趣同

和碧玉千峯詩

吏部尚書 顏頤仲 龍溪人

道在穹壤間如日照萬國淳乾再中天斯文荷申錫惟時

朱夫子一柱擎天力勉齋妙心傳月印寒潭碧

東野正始音絕唱未易續听庭萬言對珠璣燦盈掬一塵

壓南州寒谷回春煥煌煌漳水珠照耀崑山玉

美哉巽齋守傑構捐金錢橫經踞臯比冠劍來三千賢侯

揭新扁偉觀還當年孰能踵公武名蓋東南天

駐師漳州夜宿開元寺

丞相 文天祥 廬陵人

天涯有事惱寒宵歡喜名藍轉寂寥滿目風煙迷法界極

天榛莽亂漁樵包胥謾向秦庭乞宋玉誰憐楚岫招海國

孤中憑一旅還祈佛力佑清朝

○元

贈長泰尹余良甫

知府盧琦惠安人

令尹余良甫應勞撫字心野人爭賣劍山縣但聞琴夏半
畚田熟秋深瘴霧沉儻懷鐘水客千里寄知音

西浦夕陽

主簿林廣發龍溪人

片帆西浦渡歸鳥夕陽斜流水欲趨海行人未到家平原
生野燒斷與帶晴霞漁唱聽來近灣灣蘆荻花

○明

登雲嶽嶺

訓導胡宗華龍溪人

路入天邊作繡文欲迎半嶺已斜曛山無南北皆

雜高低不礙雲深徑落花前夜雨斷煙芳草古來墳漳泉
彼此皆王土何用區區畫地分

清漳十詠

本州王禕義島人

漳水南邊郡閩鄉到此窮地偏冬少雪海近夜多風百粵
山川屬三吳景物同昔賢遺化在千載紫陽翁

此地多煙瘴時清喜漸除阻山猶盜賊並海盡鹽魚田稻
春秋種園薑伏臘需不才叨郡倅廩祿頗贏餘

奢競仍民俗織華亦土功盃盤簫鼓裏燈火綺羅中茉莉
頭圍白栴榔口抹紅良宵上元節紈扇已搖風

近歲兵戎後民風亦稍衰番船收港少畚酒入城遲綠暗

枕椰樹青懸橄欖枝，熏風荔子熟舊數老楊妃。
 可是閩南徼陽多氣候，先麥收正月盡茶摘。上元前綠筭
 供春饌，黃蕉入夏筵。南風吾所適，久住亦相便。
 文物如鄒魯，斯言信不虛。科名唐進士，道學宋先儒。嗣宇
 依山曲，遺書布海隅。風流今孰繼，林子亦其徒。
 是處方言別，漳南覺更强。兒童皆喚囡，男女總稱儂。不雨
 猶穿屐，因暄盡佩香。人人牙子紫，都為嚼板榔。
 山秀英靈聚，溪清爽氣開。水晶凝石髓，月彩耀珠胎。珉紫
 裁為硯，犀花解作盃。最憐沙上草，顏色在根荄。
 試上南樓望，羈愁覺易消。兩溪遙合港，大海暗通潮。白露

垂青野丹霞映碧霄，夢神會獻吉日暮不堪招。

郡署經年久吾來，為一新重門。奇畫戟別駕儼，朱輪榕葉
 軒陰晚梅花閣氣春，祇憐去國遠為政愧能循。

福山歌

山在郡治西北

登州守

林

龍溪人

羣峯天寶西飛來，茂林幽壑相參迴。福山中峙太古色，紺
 樓碧殿凌雲開。雲間一珠光萬丈，圓外堂中明月相森森。
 寒彩凜夔夔，烟烟神毫肅龍象。始知此寶梵宮珍，山輝川
 媚草木春瓊花。一朵開曇鉢，紫芝三秀生。法輪福山高，與
 蓬山列蒼松，不凋檜不拔。山中酒熟桂花開，年年來醉中
 秋月

齊雲亭奇石歌

亭在府署中今廢

何年星芒化山骨古色蒼顏勢嶮萃就中別有混沌天萬象森羅了毫髮府公初置齊雲亭一府來看零陽屏蓬萊清淺隔弱水君山掩靄浮洞庭我疑太陰照天地山河倒影搖丹桂又疑明河瀉九天斗牛騰光通劍氣公餘對此獨躊躇咫尺萬里論江湖幽篁古木在眼底何用人間屬畫圖

過盤陀嶺

盤陀嶺上幾盤陀茅竹瀟瀟雨乍過水暖游魚出陰澗草香馴鹿食陽坡怪山當面疑迷路啼鳥迎人却和歌縱謂世途當險惡太行蜀道復如何

重過白鶴嶺

栖碧亭空鎖翠微詩成人世已俱非墨池水煖鵝誰換華表雲間鶴自歸樓倚仲宣休作賦碑思叔子故露衣古來陳跡知多少立馬西風又落暉

題陳王墓

將軍山下陳王墓落日西風秋草繁斷甃千年餘手澤豐碑十丈滿苔痕山河不改英雄老天地難窮忠孝存爵罷椒漿間佇立一聲歸鶴月黃昏

停舟圭嶼呈朱明府

遙山盡處是滄溟眼底雲濤一色青野鳥隨波明遠白毒
龍挾雨散餘腥水濱女佩春留月天上仙槎夜泛星賴有
同舟賢李郭柁樓尊酒一燈熒

請告還家入榜山書院有作

紀善 鄭深道人 龍溪

得請歸來萬里餘歡尋舊院水雲居蚤從洙泗傳心印晚
閱燈窓教子書細草幽花香筆硯清風明月滿庭除一腔
宇宙皆春意此樂顏曾未必如

初稽山

大理 陳汶輝人 詔安

雙髻爭妍削翠雲藤花鬪巧噴新春幽人不賞情何限終
日雲陰鎖石門

歸家自題清約軒

訓導 林 僑 龍溪

賜告歸來歲月深眼中人事苦經心怡情祇有陶潛菊供
具惟無疏廣金靜室詩成閒自賞比隣酒熟喜相尋兒童
問字時餘暇一榻清風坐綠陰

學宮古松

榜眼 李 貞 南靖

蕭條猶見典型垂鐵幹銅標迥自持鎮定轉憐風勁後孤
清遙對月明時危巢蔽日栖鳥老瑞骨留仙夢鶴知幾度
宮墻鳴夜雨淒淒如響壁間絲

題白鶴嶺

陳致中 漳浦

石竇寒泉響玉徽間雲出岫遶松扉一從白鶴高飛去栖

碧亭空鎖翠微

遊威鎮亭聯句

直上危亭四望遙諸山遠近勢迢迢太守謝壽半空晴雨雲連

樹萬頃風波水跨橋採花謝璉載酒主人情獨厚投壺諸客興

偏饒指揮夏澤吟餘共醉歸來晚不覺斜陽五馬驕長老物外

太武山

學士豐熙鄞縣人

一山高出萬山巔絕頂相傳舊有仙朱草紫芝雲外地碧
桃紅杏洞中天石盤棋散留殘子火灶丹成起斷煙借問
二喬真甲子尋常七日是千年

虎渡春潮

陳克聰龍溪人

江濶虎會渡江空潮自來水生洲渚沒流漫海門開逐日
移消長依期自往迴魚龍多變化半夜起風雷

題詩石在雲洞

雲擁峯巒翠作堆石崖剝落半莓苔當年題詠都消盡
得松風送雨來

雨後登仙亭晚眺

本郡姜諒嘉興人

宿雨喜初晴薰風拂面生登臨最高處一望海山平

南山

副使林魁龍溪人

丹嶼照銀河虹橋臥碧波寺荒僧住少林密鳥聲多驛路
催宵驢沙村雜暮歌山花不知數作意弄春和

秋日泛南洲

年年八月秋風清舟人理棹江太平葛巾登舟涼滿襟只
 尺已步銀河深青山點點海口沒白鷺雙雙草頭立漁舸
 放浪風葉輕科頭黑背無姓名問之物族託所得筇裏秋
 蟬螿似戟其餘釣戶隨烟霧粉短棹廻樞無定處當家生理
 言語疎似與人間不通路波中風景玩不足更艤晴帆步
 寒絳長隄宛轉蛟龍蟠秔稻茫茫雲霧感野人面目無他
 異木鳥沙鷗不相忌翠羽鱗前作對飛白鱗扇底迎人戲
 古云海水為桑田足踏平地非渺然窮天極地理難索眼
 見烟波化阡陌君看此水化平田此田化水知何年造化
 有常難自久百歲人生復何有

答劉明府雲泉寺韻

兩聲公事裏兼得了清遊野寺三生石煙波一葉舟龍光
 寒出匣蜃氣曉成樓天地真無外何嫌問九邱

宿古樓公館

本郡 武陵 守 陳洪謨

公館依然據古村肩輿再至豈辭煩門前桑葉饒丹色堵
 下寒蕪褪綠痕隨處稻梁秋正熟幾家煙火夜初昏勞勞
 塵鞅何時定回首湘江有夢魂

銅山

分巡 邵 莊 浙江 人

蒼煙翠霧鎖林巒別向天涯開世寰閩海已從行處盡粵

山都在座中看魚鰕入饌嘗兼味草木依人亦破顏烽火不聞公事簡扁舟又逐海風還

鎮海衛

萬里聞天景象新世平何處不陽春海鄉盡道魚鹽富山郭仍聞虎豹馴遣興有詩頻刻燭匡時無術愧埋輪來朝又渡浮宮海浪跡如蓬笑此身

梁山高贈陳烈婦

參議葉 壘 詔安人

梁山高高千尺十二峯頭呈怪石古木蒼藤集猿狖千巖萬壑泉幽咽山南山北烟火中高髻蛾眉不記憶獨有陳女張氏妻白陵霜雪堅凌鏡華表靈脩永不歸恨徹重泉心百結秋風颯颯魂飄蕭曉猿啾啾肝碎裂荒邱壞土隔幽明荒煙衰草空聞寂倏觀舊物神不扁瞑目奄奄入丹穴三生軀殼等鴻毛萬古綱常照顏色人間何物狀丹青尋思記得雲與月雲過蒼梧還聚散月升海嶠有圓缺只把青山描真形更取白石安魂魄風木蕭蕭作哭聲幽泉滴滴爲泪血山倒石飛木銷泉竭美人聲名從此歇

鼎山

僉都 戴時宗 長泰人

迎賓出谷口緩步入叢林綠野煙光合黃花秋氣深夕陽斜度曲流水坐鳴琴掃石移清酌徘徊月下陰

漳州院中桂花

中丞 汪道崑 婺源人

炎海愆花信高秋著桂叢衆芳蕭瑟後獨秀草亭中泣露
金華似飛霜玉樹同明朝復長路開落任天風

南溪早汎

同知王會 漳浦人

曙色明孤嶼輕舸送落潮溪行人問渡沙宿鳥驚曉蚤
分漁火村沽隔浦橋悠然滄海去舟子漫相招

朝天嶺

郡司馬龍遂 永新人

咫尺星辰似可捫蒼藤古木自朝昏飛泉噴壑蛟龍怒危
石霾雲虎豹蹲峭壁青天稀去鳥清秋白晝聽啼猿山中
老叟來相迓指點荒原幾處村

登白雲石室

尚書朱天球 漳浦人

雲端石室開步步高無極御風若欲飛吸露欲絕食瞑目
渾我人澄心滅空色昔遊不記年還有山靈識

東溪

胡文 詔安人

仲冬風日好江上淨無波正坐看帆影中流發棹歌荻蘆
隨岸盡鷗鳥近人多昨日驚舟楫今朝自在過

送陳西巖山人兼寄蔡鶴峯徵君

政王慎中 晉江人

自將形質混塵煩獨有風神衆所尊託意偶談山水事好
遊不謁貴奢門道存已解遺身世客倦猶思還故園遙憶
一邱歸老處惟應禽尚晚相敦

大巖山

參政謝宗澤 海澄人

大巖之山何窮律脉從文圃奇峯出何處高僧獨結廬
新松古柏成蒼鬱雨後太武照眉間潮來海水如盆溢
層巒列嶂捲晴雲鷺門擎出扶桑日山麓隨處是人村
桑麻原隰比如櫛維人有傑山有靈都之人士堪儔匹
從來良牧郵民艱登臨作賦諧聲律吾家廬墓傍山涯
祥雲長護蛟龍窟願言海山熄鯨烟長憇山巖甘隱逸

島嶼湖吞 在距山

魏光翰 龍溪人

星分五嶽護銅城千古寒湖何處生正想雲根蒼石露
俄看巒頂碧波平江神縮地浮沉裏鮫室依巖晝夜聲
蓬島十洲剛得半海中應許鳳麟名

初入鶴鳴山作

徵辟 蔡烈 龍溪人

性癖林泉 林一作雲 泉入鶴山入山得趣出山難
雲收古洞千峯寂泉遶元巖萬玉寒半榻草廬幽處結
一編周易靜中看

廟廊濟濟諸賢聚也要磯頭有釣竿

題平和署

平和 王佐 鹽城人

和城已十月猶似未經秋靄靄山朝霧滔滔水夜流
單袷堪終歲寒風不入樓吾民幸淳朴此地即仙洲

習孔教自清源來訪與遊清泉巖

蔡林偕春 漳浦人

弭節雲山訪灌園儵然命駕自清源分明意氣輕千里
那為當時舊及門

迢遞南漳薄海隅風塵十載尚馳驅山中耆舊知應在作
傳還如鑿齒無

登太武山

阮旻錫

疊嶂高標大海前東南島嶼點微烟纔登絕頂三千仞已
洗塵襟二十年廢塔荒巖唐日月殘屯舊戍宋山川風波
一夜漁舟杳白鷺村低隔水天

宿小坪公館

龍巖 吳守忠

兩破長天暑涼新古道秋騰雲聯去岫響角迅歸牛南北
三千路分明一繫舟間關千里思此際正悠悠

岱浦泛月浦在泉漳之間

侍郎 何喬遠 晉江人

丈八溝頭古有名桃花潭水聽歌聲此中濠濮真無異到
處煙霞總自生小浦浮花輕進榜芳林蔭竹亂飛觥歸來
月色當天好徒倚寒牕夢不成

九日登西廟樓

漳浦 余 經 順德人

重陽病起苦為情石室高懸力疾登煙淨風高千仞碧霜
橫楓落九天清黃梁已破浮雲夢白菊須餐挹露英沉醉
欲歸歸未得喜看古月照衣明

讀高東溪遺事

主事 林纘振 漳浦人

此去先生五百年精英疑傍列星躔播遷萬死粵西路涕
淚頻揮塞北天疏比渡瀘同激烈心懷洗日竟迴邇夜臺

閉後如堪作後輩何妨學執鞭

由陸鰲航海過臨漳

建始

涂

秩龍溪人

臨流無際感洪漣倒捲銀山泛斗纏遠望青螺雲葉外近
看紫燕浪花前元非擊楫中流日豈是浮槎奉使年目極
蓬壺應可到何論弱水更三千

峯山石六言

茂才

朱龍翔

平和人

雲氣衝天露骨山根拔地生芽萬古撐持鰲柱千年凝結
丹霞

登靈通

寶洞雲封丹鼎石床月上禪扉舉手摩天可按輕身挾日

欲飛

石殿盤天作蓋瀑泉散日成珠乘月鸞聲何在凌空羊角

可扶

贈蔡震湖歸漳浦

大學士

葉向高

福清人

上書北闕已經年把酒西風位黯然歸去漫栽松桂賦閑
來時誦採芩篇官同雞肋真堪薄路入羊腸祇自憐相對
不須嗟宦拙鳳毛霄漢正聯翩

宿壽春宮留題

長史

顏廷榘

永春人

偶爾南遊占紫氣真驚閭苑在人間冲瀦漫說元都界信
宿如叅仙史班一葦空浮天竺二國七星高掛海門山清風

習習炎蒸散坐挹澄波月一灣

穀雨日同畢中翰遊山寺次韻

長泰管 橘

小閣傍層巒名賢聚首歡山光增晚媚海色入窓寒縱飲
心猶醒狂歌興未闌却疑脩禳會賦就共君看

石室歌

贈戴亭 融觀察

按察使 曹學佺 侯官人

我來海上訪名山聞有至人長閉關城中欲望不可得乃
在一抹之煙鬢是處一六柱其中有石宇造化為大匠自
然成規矩誰知至人者乃是子大夫早歲遊四方聲名在
兩都東陟太華之頂兮而西躡匡廬之巔北揖金門之隱
兮而南招羅浮之仙豈甘茂陵倦欲作六月息愛此石室

居尚存太古色石室中藏萬卷書龜文鳥跡科斗移石室
中置千斛酒琉璃琥珀不停手石室中懸一局棋仙人對
奕樵者窺月出兮頂上光月入兮照我床雲去兮何漫漫
雲歸兮室中滿雲去雲歸亦自由古人今日共風流安石
矯情還祚晉子房掉舌須興劉丈夫濟世在咤叱功名自
有旂常述然後高臥青山萬事畢我終為君題石室

燭峯

青天懸燭景石勢生芙蓉照日俱成燄迷煙或似烽嶂高
站鳥雀海近出魚龍欲騁無窮望猶然限一峯

贈張紹和

元纁於我亦何加祇事蓬蒿仲蔚家詩句哦成皆白雪杯
觴流出是丹霞晨曦近海桑惟樹霜信交冬菊有花予齒
少君纔一歲相將文史度韶華

霞中社集長歌

郡別 呂繼棟 新昌 人

清漳福地重開元矗矗千峯連天寶六鰲駕海忽飛來九
龍山峽爭迴抱紫氣龍從產異人堂開風雅勝蓬島階前
玉露綴璫花簾外青鳥脚瑤草一尊笑傲五雲深邀我高
陽共傾倒徐幹夙拉建安才博物張華世共推穉卿次卿
馳文譽二鄭競爽何奇哉雕龍雄辨驚蒼昊先春召動殷
殷雷半空亂洒催詩雨落葉乘風盡舞臺時雷聲微動人皆異之已而風

雨交

諸君對此興轉治狂歌劇飲罄樽壘坐客呂安獨可

訝生平向往嵇叔夜寧渠臭味偶相同榻來良辰每促駕

去年今日此登堂高山流水共傾瀉荏苒光陰似轉蓬東

山薔薇幾摧謝蔣詡已鐸賢士關戴遠久卧天柱下去年 蔣道

力司成戴亨融觀察同遊憶昔筆底走龍蛇至今座上留蘭麝結伴重

來祇五人太史占星應驚詫人生聚散亦何常滄海桑田

不可量此日抵掌譚往事明年促膝知何方但願南斗常

在望但願北海常注觴但願青山常曳屐但願白雲常滿

囊達人撫景有真樂一邱一壑任徜徉海濱先生今復四

斤時蠖屈終龍翔知我者希我自貴腐鼠那堪嚇鳳凰吁

嗟吾儕豈不朽塵世浮名無何有古今賢豪類湮沒好把
千秋付二酉俯仰乾坤僅彈丸睥睨民物直芻狗朝菌冥
靈竟若何且對清樽恣笑口漳南吏隱本小巫陡見大巫
驚却走多君締我金石交不計驪黃與牝牡刻燭索我詩
百篇解貂醉我酒數斗醉來酩酊發越吟四座聞之皆回
首長嘯出門天地空擊碎玉壺君知否

集霞中社

巡撫 畢懋康 歙縣人

高樓臨百雉朋益日追攀晝永遙傳漏晴空淨見山天連
烟樹渺人共海雲閒何處來羗遂西林夕照間

萬戴觀察亨融石室彈碁有懷

地迥禪房靜碁殘日午時篆消僧入定茶熟客成詩忍草
侵堦窄天花度檻遲坐就石室好忽動遠人思

題石晶泉

郡司 袁國綬 南昌人

泉源竅發石中精萬古長流一漾清那得夷齊來試飲冰
心不愧古人名

天柱巖石室歌

酬曹能始兼呈
管五陵明府

副使 戴 燦 長泰人

伊余本疎誕夙乏匡時智屏跡賦間居抱疴遺榮利方慕
至人旨恣意探靈異巨靈為劈天柱山山在東南縹緲間
萬丈青梯懸曉日千年丹竈鎖元關中有一片石垂蓋宛
成室元氣自滄茫巖竇多神迹因之結茅廬逍遙山之側

漳州府志 卷之四十一
坐嘯天風處處飛行歌雲水灣灣碧有美曹尊生三山負
詩名弱冠登王塗明堂振清聲席上揮毫煙霧落燈前擊
劍風雷驚富貴浮雲非所欲大雅何能混塵俗自許金門
暫陸沉每從玉檢窮曠旭一朝來訪神仙令首向此山策
高足雙屐蹈破青苔上上逼鴻濛下塊泝觀海崖邊汗漫
遊迷樵徑裏冷然賞仰天爲我石室歌萬壑松濤發幽響
曹夫子管神君人生各有志蒼素詎能分公等努力標青
史我自疎狂卧白雲且携驚人詩句藏石室此間直與帝
座通氤氳

登太乙山

副使 楊一葵 漳浦人

玉筍瑶簪聳碧岑依然紫翠似山陰樓臺罨畫峰巒出花
竹繽紛水石尋藉草每依芳芷坐憑欄長繫白雲心相携
共結烟霞賞不數風流集竹林

九侯疊嶂

龍巖 徐拱辰 開化人

名山蔚嵯峨排雲羅九嶠迢迢西北來天然負奇峭儼如
侯伯尊臺若鳳鸞矯委蛇下平隆環拱衆山小以茲奠花
封巖巖民所表

紫金晴雪

氣勢何崢嶸衆皴獻丹碧朶朶金芙蓉玉井何年植上有
仙人居明滅望無極匪惟世人傳猶有古時迹元冬雪初

齊一望瓊瑤積寒光與晴暉遙遙相盪射居人占豐年此
瑞長可惜

登高獨秀

三峯隔城川品列屹相向每當風日佳振衣絕頂上凭高
散煩襟遐眺豁幽賞林花助清妍山禽發幽響沉吟諧物
情覽結極蕭爽俛仰遂吾樂此意同霄壤

視師海上漳中諸大夫招集芝山亭有賦

巡撫南居益

縹緲孤亭向夕曛莽蒼雲霧帶潮奔羣峯湧地趨天寶二
水滌城控海門郡闕日南人代古琛航月窟帝圖尊中興

有道方垂拱鱷浪鯨波莫漫歎

陪大中丞南公登紫芝山亭

少宰王志道漳浦人

千峯帶郭敞亭臺為屏牙旗向晚來日落風煙丹嶽合潮
生樓檻紫瀾開兵符肅靜中丞節軍令分明僕射杯鼓角
不喧蕭散甚直將皂帽與追陪

龍川曉月

林一峽莆田人

擬向雲山汗漫遊晴川隱隱噴龍湫浣紗昨日誰家女匹
練江臯夜未收

紫陽祠

副使鄭懷魁龍溪人

一代宗工百世師摩挲猶識宋時碑年來儒墨翻成識海

上春風別有祠仰止高山留貌像夢回明月想光儀斯文
凋喪微言絕三復遺經有所思

杪秋登芝山絕頂

郎中徐鑾 漳州衛人

天畔孤亭接翠微相將濁酒送斜暉山中得句皆秋興局
裏譚兵未息機風鐸響隨砧杵急寒鷗影傍石城飛迢然
鳳吹雲間發十二峯頭客嘯歸

海澄書事寄曹能始

徵辟徐勗 閩縣人

海邑望茫茫三隅築女牆舊曾名月港今已隸清漳東接
諸倭國南連百粵疆秋深全不雨冬盡絕無霜貨物通行
旅貲財聚富商雕鏤犀角巧磨洗象牙光棕賣葵邦竹檀

燒異域香燕窩如雪白蜂蠟勝花黃處處園蔬橘家家樵
煮糖利源歸巨室稅務屬權璫里語題聯滿鄉音度曲長
衣冠循禮讓巫蠱重祈禳田婦登機急漁翁撒網忙湯人
洪水漲摧屋颶風狂永日愁難遣清宵病莫當羈懷寫不
盡期爾早還鄉

重遊九侯巖偕周仲先

孝廉張燮 龍溪人

山徑阻且長重來每失路後發爾先登鳴禽倚深樹禮佛
還步虛攬衣峯頂度疊石吼飛泉適然生遠趣不必坐香
臺枕漱此焉駐逢僧摘山毛雜佐伊蒲具陵壁鎖雲叢盤
空散花兩良遊愜性欣曠懷絕塵慕下山向天門徂芳幾

回顧

懷龍清白使君

中丞 周起元 海澄人

功高報薄倍愁人萬姓齊傳臥擁輪坐處尚留棠勿剪炊
時猶憶飢生塵三秋祠宇風霜肅萬里旌旗日月新安得
南來重建節洪濤一帶淨波臣

漳南周中丞抗疏解官詩以送之

御 周宗建 吳江人

會聞堂籍已編成愁見離亭百草生清世可堪頻左譴逐
臣誰願有高名江鳴隔浦分帆影雨濕連宵咽馬聲自有
淚痕非為別時危忍復藉長城

龍驤廟

孝廉 鄭爵魁 龍溪人

玉鈐威上衛龍將儼唐祠東土雄風被中州世裔垂百年
勞劍戟四履影旌旗戰骨深荒草豐碑到處疑

紫陽堂

郡典鴻儒重堂遺鷺嶺懸雲來峯二六識出地千年治古
風華轉人遙道脉傳日星今煥爛懸照舊山川

琵琶坂

圓嶠向來碧海涯翠微深處間琵琶虛疑洞府飛丹鼎舊
是神仙賣藥家董奉靈峯通地脉紫陽山郭滿雲霞西來
挂頰凝朝望秋氣晴分面面嘉

丹霞巖

海門盤礴水東流古與浮圭望十洲五夜霞光生日鳥千
年蜃色幻丹邱潮來綸藻青青泛月上漁舂黯黯收朝暮
近傳喧鼓角樓船諸將急防秋

登天中巖

大學林 鈺 龍溪

偶來絕巘度蘿藤不辨山中第幾層雲路染香多濕桂草
庵藏鉢少忙僧扶桑渺渺頻搔首法界千千一曲肱有人
會到峯頭上又說崎嶇仔細登

題銅山石室

洞門六六鎖烟霞碧水丹山第一家夜半寒泉流出月
天清露滴松花

遊靈通巖

巋然層石倚雲欽秋老寒藤隔翠岑烟霧中分天上下光
陰半度日浮沉直從鳥語聽鐘落誰向峯頭測水深寄語
一聲猿鶴去清宵相守洞門深

靈通巖

溪光漲碧波石壁鬱嵯峨上下煙雲合去來風雨多磴空
迷葉落樹響失猿過竹杖正堪穩前頭捫薜蘿

和李義民巖頭拂水四首

盡日流水聲六根聚一耳舉頭見空山有眼亦如此
無雨不成滴無風不成絲若要玲瓏看風停雨歇時

潮州府志 卷之四十一
化身以為空化意以為雲化筆為風雨灑翻似幾分
最愛因風起搖搖不可攀一滴入青冥前山共後山

送周中丞還圭海

大學士 文震孟 吳縣人

金閭新柳尚依依萬戶傷心送落暉總為清時客直道豈
知平地有危機丹心貫日碑盈口黃髮攀車淚滿衣何限
離憂兼別恨可能銷得海雲飛

秋日過虎渡橋

進士 陳翼飛 南靖人

清景素商半涼颼薄旅初水深曾渡虎缺矩欲歌魚空有
囊中穎誰得圯上書幾經橋柱過夫敢學相如

送閔昭余出守漳州

知府 沈聖岐 烏程人

閩南虎竹三千里若水漁村二十年別後相思夢何處刺
桐花發海雲邊

小集讀黃參元撰偈并與紹和恹叔瓚思孝翼同賦

用雲字 中丞 周起元 海澄人

微扇惠風送晚芬敷珍席上色干雲歡緣灑酒多酬客醒
為停杯細論文元叩諸天鐘外度道窺如日燭中分合來
一部真仙吹夕聚朝尋奉所聞

送曹元宰出守漳州

侍讀 馬世奇 無錫人

靈槎秋泛海天涼五夜心懸燕寢香總為至尊憂社稷漢
臣何必薄淮陽

周中丞棺至漳建祠致拜肅然

宮詹 黃道周 漳浦人

沈痛江山骨昭回雲漢恩青蠅賓客盡石鳥規墓存雜木
憐華表二招反夏門欲裁南史簡揮涕誦遺言

崑炎能幾日玉價復如茲明月有銷魄精光無盡時諸生
論德行天子致齋祠陋矣當陽事生埋墮淚碑

直道逢昭典九原多德鄰一時同燼者終古不灰人龍馬
初圖象豺狼已化塵未須舊銓令引縛到江濱

辭墓詩

已巳冬日負士久畢愴然告山八首選四首

炎寒舂鍾各間關正是為誰築此山元鶴不嫌松徑淺白
羊長叱石頭頑少年浪說扳輿好老髻空傷舞袖斑遊逸

征途何所極當時會共惜孱顏

物色誰徵版築裁踈雲空自攬書臺只穿暗竇行無量不
禁披青眼欲開婺緯已翻新繭緒狼胡未了舊風雷熒熒
夜燭連村火猶記授經膝下來

銀河從古自垂橫漫說時清眼復明幸不當年為范滂何
能今日老袁閔離巢鷓子終多淚伏軛駟騶豈任耕會有
隴頭搔背處暫隨谷鳥一嚶嚶

帶索行歌四十年空焚黃紙與幽泉夢中猶作茨藜飯簷
外仍枯筆研田入世才能輸哈筋許入身事謝夔蛇白華
遠去成青草綿上誰開寒食煙

蓬萊峽端陽水嬉賦得山光搖芙蓉溪鱗盤魚龍弁

用爲韻

選四首
并序

甲申端午前兩日至蓬萊峽桃竹已華椿梧競翠一尺二尺之榴綴其丹葩未開未落之梅涵其好雨村婦裏竹以餌龍蛇穉兒縮絲以辟毒蠱於斯時也漳溪之渚簫鼓方喧大將軍燕客而集樓船都御史洗兵而澆醇醴牙檣錦纜耀於江神翠鈿銀標插茲游女誦喬木之章潛知不可繹蘭芷之製謂我何求而乃有而遠勗之季容二三君子携予長麈來棲山舍負經鼓箬以就人師嗚呼旌霞沸浴下有曝藥之兒

舞岫眩堂外有決藩之子豈謂人皆木石亦云好異蓼芹若乃山募最能野騰穿後一溪舟子共承鄭公之風曲礪鮫師咸集吳差之市蕩予蘭漿騰我魚龍自三日以至五日結燈幔者萬指分波繇東山以暨南山觀堵牆者兩岸不辨夫好豔而慕臙天下之情一也鮫父鼓楫以避屈原接輿行歌而逃夫子亦苦樂之殊致雖孛譬以難齊獨此一鄉之民共有嗜芟之僻豈軒黎之后螺母亦有豔容雷首之從都君果爲臙行乎嗚呼秉彜之慕不絕於人悅采之儀有如彼烏九巫翹屣以禮彭咸綿上寒煙以脩龍忌湘沅

汎汎實為靈均差玉招招非徒弟子以今況古想或然也

信有斷鰲足遂來無定山蛟何為水濇犬欲吠雲間海客負圖出珠人入市還羣峯應撫掌為我故潺湲

炎殿時不散酣氣動青溪鱸膾輸官鮓荷裳報落霓垂條明歲柳開夢午時雞不識千春後何公賽此隄

微雨無垂瀑長江亦細鱗人留岸上浪浪壓舟中身護草忘時節篠風宕酒神醕醑深得得不與野翁噉

闔鴨寧成事漸鴻試與磐丹書潛卻約赤伏現投竿小草山仍簡榴花石未安世間騰蹕興總作劇場看

與黃太史遊龍潭

孝廉張作範詔安人

龍潭之山詫奇哉龍潭之水自天來分明龍門碣石北雙峽排空映紫崖與君同生青海上未見龍瀑幾千丈細聽龍泉有龍蟠清歌迸作瀑聲響

自鱸山出寓九龍潭感賦寄訊陳慧山方漸侯

吳公布

羈迹鱸山亦歲餘夢魂何苦繞窮廬多緣作賦思皇甫又為同舟德子魚白月千潭猶共鏡蒼雲半畝與誰鋤今年積雪寧如昨風雨瀟瀟問起居

郭將軍一門四節歌

教諭盧洪聲詔安人

吁嗟乎全節難全節之難豈其然何況將軍之門有四節
崢嶸皎潔秋霜懸將軍有母貞金石矢天存孤心不易將
軍之嫂絕代姿此心亦自有天知天生完節天所厚不傳
將軍傳節婦馬姑之舅陳姑兒玉蘭摧折松筠壽古來白
骨生芬芳當時二姑最可傷郭侯廟食開南詔陳姑十八
守空房丹青照耀雙王姑節婦世續郭丞嘗空房遺腹誰
者陳含酸總爲九原人君旣崎嶇死王事妾亦含笑雙入
地爾時慷慨何所難憑君骨血只加餐郭家再世腹中兒
青絲籠馬黃金鞍吁嗟往事已如此破家爲國誰與比三
朝不散九疑雲紅妝一帶瀟湘水水盡珠埋冷畫圖可憐

少婦一孤無七星寶劍當門墮空床但聽春山鴉至今明
月深閨裏啣雪凌霜仍未已香奩英氣阿誰屬女郎猶記
崩城杞將軍鬚髮亦蒼蒼熱血孤忠誰短長嫂氏未亡弟
許國曩時懷抱事幽北君不見陳氏媪八十榮名千代寶
君不見馬夫人哺姑跪乳事酸辛又不見就義從容大小
許雙眸炯炯如列炬一門節義世所稀何況四節爭光輝
古今事誰不朽兩手拓開綱常世界天地久假今當時遺
腹亦輕生四世空房誰獨守

大武山

布衣
張士楷

漳浦人

景炎遺迹杳閩關駐驛猶傳太武山御氣海天餘白日翠

華烟兩沒烏蠻野花曾入蕊元恨國事深悲德祐閒不是
瀟湘還苦竹春風愁殺鷓鴣斑

高東溪讀易處

東溪讀易幽棲處只在梁山白石菴當日闕庭須慟哭逐
臣踪跡又江潭年來碧草更開謝手植青松有二三到底
宋家偏泯滅杜鵑飛北鷓鴣南

馬口溪

相傳宋室南奔策士于此
當時野草齊花溪山改色

宋士臨危會釋褐公車射策滿平沙閣將丞相千行淚開
遍春風百草花野殿宵衣能立國宮袍畫錦已無家空談
久被書生誤誰執干戈衛翠華

漳江懷古

布衣陳子出清漳一紙圓圖感睿皇此理已通天北極伊
人宛在水中央如何兩疏經黃閣只博孤碑鎮白楊自是
大臣多絳灌至今遺恨李南陽

懷江東晚權處

何時重到蓬萊峽苦憶江橋舊繫船落日平沙空淼淼美
人秋水隔娟娟花殘瓦礫紅無處草滿宮牆綠幾年愁殺
儒門吟弄絕便將風月付神仙

春日懷花山陳先生棲隱處

博山鑪上妙香焚白鶴青鸞各一羣避世昔為金馬客移

家今事玉華君霜清百丈龍潭水日薄千盤鳥道雲纔到
人間花落盡何由春信共相聞

遊靈通巖

隱逸

黃道炯

漳浦人

行行衫袖白雲霑一入靈通氣不炎萬仞摩天開石壁半
空噴雪挂珠簾層梯雨過苔痕滑幽谷煙深鳥語潛惆悵
崖頭遺舊跡猶存古佛獨莊嚴

平和道上

處士

陳祖虞

漳浦人

晨陟崔嵬去春風捫薜蘿四山花氣滿一路水聲多越境
如此謀生拙奈何未能依桂樹且自聽樵歌

宿楓溪樓

雜樹低平楚危樓插太虛人間雖念亂此地且安居拂席
雲歸後開窓月出初悠悠終夕話好為羨樵漁

國朝

遊白雲山

會元

陳常夏

龍溪人

白雲深處可望三百里視島與如一粟耳朱子常
延留數月今墨跡猶存也兵亂以來廢鐘在地出
僧斬刈蓬蒿重開佛
面復廢然一巨觀矣

易盡桑田此再過曇花依舊繞維摩山容未肯從秋瘦泉
語偏宜入夜多自恐人情悲老大不甘遊興畧銷磨住僧
聞說傳衣事洞口雲深長薜蘿

甘棠百尺老清谿埜鳥悲秋作意啼曉岫晴嵐寬海岸夕

陽還照落雌霓客經石罅頻相失水接天光竟自迷剛道
白雲深處好幾人來借一枝棲

送孫古隍赴南靖

尚書 王士正 新城人

萬里無諸國孤帆直向東盤餐登馬甲井邑枕鮫宮禁舶
人煙少懸針職貢同孫郎還嫵媚真有紫髯風

清漳城上感懷

觀察 周亮工 祥符人

殘城日落起悲笳百道旌旗復嶺遮黑箐吹塵迷綠野青
燐照雨遍丹霞陣連虎渡江干驛烽接龍巖海上槎戰鼓
即今猶未歇漳南自昔重豪華

骨支撐遠近霜積裹角聲吹細柳沙邊旗影沸清漳六年
瘡痍須糜若不信巖關路倍長

黃烈婦詞

學博 戴冠 詔安人

對面雙潭徹底清寸丹自許萬緣輕只嗟黃土尋常事不
洗人間薄倖名

曉入鶴鳴山

學博 陳箴 龍溪人

山曉雲尚擁林昏客獨往不知巖洞裏精廬在其上曖曖
光明注步步耳目爽俯看崖欲傾仰見渦如掌幽澗激潺
湲密竹自清響徒倚欲何依聊作振衣想

陳北溪故里

宗卿 唐朝燾 漳浦人

材落半榛蕪喬木尚蒼翠北溪故里間父老能指示自昔
吾道南斯文不終墜至道日流行如川之瀉地紫陽集大
成繼往開來世先生從之遊門墻儼高弟天下莫能宗正
學反誣偽託跡建溪山尋源溯洙泗先生佩服深不改生
平志北溪結真隱源流同一致嗟予生已晚不得執鞭轡
何處薦清香淚洒溪流逆

秋夜舟泊龍江

郎中張雄南靖人

江濶潮初上江空月逾白半夜人孤舟猿聲送蕭索

送唐偕藻宗丞致政歸漳南

大學士李光地安溪人

先生真鴻鵠廖廓不可蹈有似無心雲翻飛返峰嶠曩者

辱鄉貢相看各盛貌如何素髭滿枯槁若同調山鳥問歸
意嶺花向人笑越水橫灘局舟子喜相勞屈指到霞浦晚
氣正炫耀陶菊傲秋霜柳橋街夕照海霧避山樓溪風迎
野棹孰測冥冥踪坐令羈者悼往歲不自知共談陳與邵
時哉惟先生斯觀象之奧溥雨暗陰沉歎屏以行告撫迹
祇含辛檢篇方廢蓼

花朝過東皇書舍有感

臨汾令林登虎漳浦人

講席荒來三十春前山文筆尚嶙峋如何吾道淒涼甚付
與千秋論史人

兔葵燕麥共離披堂上苔痕日影遲坐聽幽禽深樹晚談

經却憶暮春時

晉亭峰

進士 陳天達 漳浦人

一片幽栖地千年勝蹟留星辰近可摘山海望中收石罅
餘苔古泉聲出谷幽仙雲如冉冉笙鶴又來遊

春日登芝山準提閣

閣為顏園舊址兵燹後更為僧刹感而賦之

銓部 劉 勃 龍溪人

步入招提一徑香滿山新綠間殘黃偶逢覓主簾前燕不
覺愁人鬢上霜寶閣只今明佛火瑤臺何處醉仙漿可憐
數片階前石依舊無言伴野棠

江東即事

知縣 戴 盼 龍溪人

蒼涼古驛大江濱故壘連山白草新水勢長奔三十里瀟
聲猶撼五千人亂餘野廟烏啼樹秋冷平沙客問津滿眼
荻花寒雨暮扁舟淒斷老夫身

春日遊大好山

汀漳 道 宋 致 商邱人

叢梅別院已斑斑鱗舍漁村又一灣十丈晴峯天欲碧平
空挿出鶴鳴山

春日 至鎮海衛遙望太武山

漳浦 令 陳汝咸 鄞縣人

暖日三城成春風萬仞山旌旗融戰氣草木盡軍顏瀚海
經秦月層城比漢關金甌連外國玉斧畫中間舊罷珠崖
遠新從合浦還雲根遺洞杳碁石待仙閒象徑苔誰破龍

潭水幾灣天梯空想像鳥道絕追攀江夏舒亭障夫人儼
佩環甕藏端既叶鮫泣淚仍潛

聖主恩遐播微臣質素頑瞻

天心尚切製錦事難爛仰止惟先輩招游到百蠻訟清安吏
拙地瘠念民艱父老逢迎簡官曹禮法刪籃輿偶乘興極
日嘗煙鬢

送陳少林往浙東訪舊

尚書 蔡世遠 漳浦人

吾友少林有至性自幼零丁苦踰躓父執林姓字漢冲衣
之食之教以正行年十四懷明發水木情深聲淚併擊劍
從軍意氣雄又史三冬用不窮丈夫不肯羈牖下東南歷

遍到黔中締納師資盡英俊見賞名儒與巨公屈指年華
過三十回首家鄉車驅疾賢侯正值陳四明振刷文風倡
經術擊分與君同受知並轡爭先君馬軼定交此日望
翻我在弱冠君壯年振衣千仞萬里足基射相期徹七
廓清摧陷無不可吾黨旗幟明且鮮儀封中丞開講院
宿耆英共徵選潛心細理宋人書湖海盡收氣一變元城
去妄謝去矜金鐵同爐大冶鍊顏厚登科子被放燕聞萬
里離索悵晨昏得假

聖恩深欵舊談心叙情暢郡守徵書入志局益友多聞直且諒

荏苒光陰駒隙驟閱余小子重在疾痛定思痛痛未忘道

不加倍學益陋海外文章聲價高太息馮唐難邂逅惟君
 氣誼薄雲霄顧念幼孩誰護調漢冲有子家在浙拮据百
 金慰寂寥日今不往恐無時言之泣下敢辭勞吁嗟古道
 棄塵土惻隱滿腔今孰觀高位多金尚冷中况復四壁蕭
 然苦伊相納溝從此基范公憂樂誰可伍君年未老神猶
 健績學矯脩天所善及時努力崇明德如君恐非長貧賤
 廿載知心膠漆深長歌慷慨為君餞

天寶峯

袁庭龍溪人

五峯如掌望依稀翠壁蒼屏入紫微呼吸一聲通帝座登
 臨千仞振秋衣溪流迴繞源頭遠巖岫幽深雲氣歸爭似

西來靈鷲嶺送青排闥向東飛

舟出南溟至雲霄鎮

袁田龍溪人

曉發南溟去雲霄煙雨重舟行方幾里路轉已千峯怪石
 蹲危兕飛濤起蟄龍鴻濛流不盡百丈濯芙蓉

問月居

大尹鄭亦鄒龍溪人

久仰位雲社來過問月堂寶珠真陳牘唾玉是文章錦水
 看螭動丹霞說雁行門前書帶草猶作舊時香

郡侯魏公將入覲枉顧小樓賦別

布衣詹明章海澄人

老矣厭塵囂聊為近市宅復架小樓居雲卧可通夕庶幾
 遲暮年得免為形役瞻帷時枉顧側奉橋衡席憑欄觀浩

渺坐嘯感晴昔河梁悵遠別疑義與誰析

松關暮雪

汀漳道

李鉉 三韓人

石林聲度晚鐘遲幸際承平久息師猶凜淒風凌偃蓋欲
凝積素壓虬枝重來防海衝寒路更為尋梅策蹇詩彷彿
韓公度秦嶺荒涼故壘凍雲時

羔山夜坐

王睿

山荒眠虎豹夜靜聽江潮不寐吟偏切多愁酒莫消堂虛
燈黯黯野曠竹蕭蕭惟有庭中桂花開慰寂寥

夏五澄令韓君邀陪司馬范公會飲晏海樓太平既
久年豐時和寮案讌集雅歌誌喜

本郡守 魏荔彤 栢鄉人

扶桑宵半海光浮城郭風煙接渚洲徐福仙山多歲月漢
家銅柱久懷柔九天雨露瞻

皇

九日虎磴登高得吟字呈雅集諸公

振衣高巘入雲深舒嘯幽巖動遠音萬樹風松絕俗韻兩
開霜菊寄鄉心烟霞舊侶能招隱秔稻新原愧作霖自笑
淄塵常障面經年携酒一登臨

遇玉洲

孝廉

鄭子江 龍溪人

水滿池塘蘋滿堤柳花深處白鷗啼歸來輕櫓健于馬數

點輕移蘆岸西

雙溪夜泛

孝廉 陳亨造 南靖人

得趣頻携酒無心往問津荒洲雙水合古塔半峯勾帆冷
湖山月苔封石壁塵興來還泛泛不為剡溪人

過小坪嶺

平和 王相 諸城人

離家方盛暑到此秋花開山險亂雲出林深野鳥來霜輕
落葉少石障細泉迴信是南州地風光果異哉

泛杜潯江

邱遷 漳浦人

煙霧橫斜抹遠林飛濤激浪籠輕陰揚舫笑指潯江去夾
岸桃花春色深

題藍鹿洲臺灣詩後

知縣 王道 漳浦人

良醫托生死夙疾視所嬰俊傑救時務振刷舊所仍根源
既在握顧盼易功成君有管葛志揣摩薄長纓安海出奇
計腥穢伸永清指陳十五章一一得其情大都為風俗敗
壞失幹楨教養廢不舉番民昧天經善後始無漏防患法
在明三復此間意妙論準賈生昔者元使君傑構春陵行
賊退示官吏詩史有直聲萬物俟吐氣慙勳動少陵君才
道州匹予無杜子名大厦願鞏固晏坐享枚寧此詩定傳
後百代猶堪聽

南靖道中曉行

學使 黃之雋 華亭人

曉驛征夫路閩南始見霜氣寒貂帽薄路滑馬蹄僵山骨
披如畫松毛濕有香褰帷母太早一面受朝陽

玳瑁山

一名三鳳山有龍潭禪雨輒應旁
連鏡山寶珠山山下有周濂溪祠

副使 莊亨陽 南靖人

五峯凌漢霧開遲玳瑁山頭泰華思古洞雲深龍戲水仙
臺日暖鳳啣芝參差鏡匣空中影零亂珠光畫裡詩四面
芙蓉齊映發風清茂叔愛蓮詞

董奉山

閒來采藥訪林邱無那仙翁去不留丹灶烟寒黃葉亂素
琴聲斷碧山幽鹿含芝草雲間出苔襯松花石上浮當日

爛柯碁已罷誰招鸞鶴更同遊

蝴蝶村雜咏

春嶂如看畫秋潭亦望洋買山難以隱近水好為堂書卧
常憑石晨興懶下床愛茲風景好不羨繡衣郎

同遊朝斗巖

茂才周 山海澄人

麗春門外踏沙行數里閒遊稱野情纔到山河銷日影忽
聞澗底欲松聲人烟不渡南橋水佛火長朝北斗城盡說
梅花六百樹而今一望野蒿生

清漳城上感懷和周櫟園先生

茂才 王之鄰 龍溪人

岸草微紅識戰場稽天浪迅陣雲荒無家客怨千山雨散

屋人啼一夜霜五虎孰為存故國九龍端自下清漳杜陵
詩思經離亂安得寒裘百尺長

眺丹霞嶼

楊國正 長泰人

清漳有地羅十城清漳有水萬條生萬水朝宗歸碧海
中瑤嶼何崢嶸海嶼漳城十餘里嵐光掩映景分明曙色
如丹流不盡夕照如霞弄晚晴洪波澎湃鯨魚動彩霧離
披蜃氣盈不知烟爍金銀闕為誰鰲首駐蓬瀛

岸石灘

孝廉胡必奇 南靖人

岸石橫中流羊腸上小舟水花四面出嵐色一帆收引纜
舒猿臂添毫笑虎頭斜陽棲泊處沽酒對閑鷗

黃石齋先生講堂天文圖

進士李國祚 平和人

文明先生嗜奇古象緯胸中分部伍講堂門內星宿開夙
昔傳聞今始覩一石中央角四周黃道赤道列門戶橫如
鴻濛轉氣生直似渾沌初陽吐咫尺能收大化樞週天歷
歷立可數當年此地立雞壇濟濟諸生羅兩廡中宵說易
一燈殘左右殷殷布雷鼓長洲才子翰林陳東壁圖書藏
肺腑執經重趼遠相求錦章幸得青絲補我來訪古吊靈
均歲序黃沙手自拊疑義茫然失指歸以管量天空尺五
陸遜難知八陣圖龜年未辨霓裳譜解悟由來待大賢區
區私智一何魯徘徊無語視中天朝來自卯將及午臨歸

恨不榻一編袖得乾坤置垣堵

題漳浦蔡齊峯明府遺像

太僕陳兆崙錢塘人

我生籍隸吳越間公任吳越之長官胥江鴛水雨衣帶分
與部下當隨肩我方出山公就職我自閩歸公蒞浙徵車
狠及過里門利器旋逢知劇邑邑中父老向我言案無留
牘民無冤文勤之季擅儒術得非頗有平生歡我聞是言
三歎息通家尊屬輩行絕勞勞人事若奔忙未及登堂望
顏色公今下世垂卅年侍郎手軸抽牙籤巖巖氣象伯氏
比諦視仍若春風暄玉題前列龍蛇字骨肉周諒訓廉吏
季通道學見全身披掩端明特餘事子弟賢良由父兄蔡

氏稽古蒙

恩

榮封胡羯未盛羣從瑤瓊瑜珥何晶瑩撫今思昔良非偶
孝子悌弟象之母借問桐鄉尸稷家魂魄常如朱邑否

上大帽山

孝廉許士煜南靖人

策杖披雲去清風滿澗阿十年勞夢寐今日此經過峭壁
牽紋蘇懸崖繡綠蘿好山搜未盡把筆記煙螺

雙溪泛月

刻燭詩成酒欲醺扁舟欵乃夜深聞雙溪水氣清于練遠
浦漁歌響入雲客似山陰乘月色槎疑海上動星文不妨
枕藉忘歸去暫與浮鷗狎作羣

漳州府志

卷之四十一

藝文一

六十五

三百八十八

同人邀遊石岡賦此

翰林 李實黃 漳浦人

梁柱諸峯高插天錦溪之水清且連此地誰開諸勝跡
梵宮突兀倚層巔微雨乍晴風日好我來恰值秋光妍
捫葛斜穿一徑入憑軒俯瞰萬井連指點鴉飛鵲沒處
白波青嶂總雲煙古樹陰濃晝轉寂解衣禪榻借高眠
酒醒夢回香滿地一聲牧笛起斜川邱壑本自耽佳趣
登臨况乃對離筵徙倚歸途情未極鷓鴣更叫夕陽前

遊鶴鳴山訪朱子溪山第一處

孝廉 林斗魁 海澄人

肯向仙家乞茯苓幽攀端為宋時銘摩麼四字翔鸞出
寂寞千年舞鶴停天表玉峯開列嶂雲間虹影接長汀
當年憑眺多清興奕葉人歌君子亭

漳山雜詠

知縣 張五典 涇陽人

靈山寶刹徧城中爭說閩王舊梵宮景祐銅鐘原大歷
開元石塔紀咸通

芝山東麓日華南信國祠堂入翠嵐却望隔江巒樹影
循州去路木綿庵

快雪堂中遺晉帖小霞齋底出黃庭壁聯彩合漳江曲
便仿吳興墨妙亭

仙翁苦戀琵琶坂書卷長借卓晚春何解癡人輕廢學
十年踪跡半風塵

宿江東驛

孝廉 王有嘉 龍溪人

江東驛裏憑欄望，一片孤城一字橋。
兩岸垂楊漁棹聚，滿江暮雨送寒潮。

鄴侯山梅榭

孝廉 昌錫晉 龍溪人

半畝藤蘿屋，高居傍翠岑。
我來碧草外，坐久白雲深。
况復梅千樹，開時雪滿林。
扶筇應再至，問爾歲寒心。

鰲亭

危磴碧參天，孤亭倚日邊。
崖高知落木，石老不聞泉。
下界潮吞壑，長空鳥就烟。
風塵留故我，愁此待何年。

南樓春望

樓閣稜層侵碧漢，川原浩氣俯茫然。
青分楊柳千家雨，白繞辛夷萬井烟。
別浦歸舟疑出樹，遠江春水欲沉天。
溪翁亦愛風光好，坐釣閒雲白石邊。

同友人歷篁澗入山寺

林廷擢 長泰人

密樹遮峯遠，疎篁帶雨涼。
澗空流水急，風靜落花香。
古寺多秋意，江天半夕陽。
清鐘來木杪，餘韻過新塘。

補篇

懷高東溪

其二 南恩知州 陳景肅 詔安人

諤諤東溪土，吹簫澗谷春。
一別阻雲水，相思勞夢魂。
五湖秋夜月，三島春空雲。
瓠標月下見，玉唾雲間聞。
何當一返

駕吟弄終乾坤

和碧玉千峰詩 其四

吏部 顏頤仲 龍溪人

經畚望有秋譬彼田舍翁學道猶學醫百脉期疏通立身尚名節峻峙千仞峰勉哉蹈前脩毋與流俗同

方漸侯自花山至江園

會 陳常夏 龍溪人

花山二百八十里鼓掉春江判春水一路閒燒柏葉香來訣江東灌園子江東之水清且冽百仞懸崖灑水雪明誠堂址化為灰浩氣江聲相哽咽自古興亡何足道高岸深谷數顛倒知君短船繫江烟自雲滿地愁不掃與我同是一枯株世態難得看須臾未嘗約結為閉戶各慎此身畏

沉塗生平猥瑣應無論得識紫芝可不恨况念痼疾遠相過共言亨貞在履困君猶未衰我能從並須努力加餐飯

諸同志入蓬萊峽載水而歸

蓬萊便在此溪灣猿鶴相嬉耐晝閒三尺芋田分夜雨幾家樵採共秋山聲聲展齒狂相似得得詩詞冗未刪飽齧流泉寒一頓推舟人挈兩鉞還

新 增冒雨謁洪石秋先生於言志堂

茂才 林夢斗 龍溪人

躡屐講堂下康纖細雨天鷗飛低帶水溪漲遠吞田願見非今日披襟已十年不辭泥滑滑來此問經旋

黃忠勇王墓 賜墓郡東郊岳口

曾識生時建烈勳東芻深慟大王墳孤城獨破羣雄勢百
戰全無一援軍西蜀斷頭終可屈睢陽有淚不堪聞寒風
為嘯松千樹似鼓鼙聲入白雲

漳州府志卷之四十一終

41458

